



### 佛說無量壽經五重玄義 (續完)

— 四十六年十一月下旬講於臺南關子嶺東林精舍 —

沙門律航講  
弟子廣化記

又願為信行之原動力，何以故？求生西  
方之願果懇切，則念佛之行必猛，念佛之行  
猛則自必依教奉行，發菩提心。此經敷演無量壽佛因地殊勝之願行，及今  
果地之莊嚴成就，豈非欲以無量壽佛普攝眾生殊勝願行為因，逗引眾生發  
求生彼國之願為緣「二憶念深，如是乃至從生至生，同於形影，不相乖異  
」，能得一心者固可往生，乃至一念求生者亦決定得生。如此殊勝法門何  
可比倫！

#### (四) 論 用

用者功用，論用即討論依經所言，修行所得之最大功用也。  
本經以「帶業往生，住正定聚」為力用。什麼叫業？即善惡等行所留  
印像於識田中，遇緣能起現行者。古德云：「萬般將不去唯有業隨身，」  
。吾人從無始生死已來，因無明蓋覆真如，於是造業多端，地藏經所謂：  
「舉心動念，無非是業」，其造業之多且久，可以想像。若業有體相的話  
，盡虛空不能容納，今以專念無量壽佛，一心求生安養故，只此一念勇猛  
精進，壓倒眾業，臨命終時，蒙佛接引，帶業往生。一生成辦，較諸餘門  
學道專靠自力，破一分無明證一分法身，無明破盡，方稱功圓者，其難易  
之分，真是「懸隔天壤」了。

本經中云：「其有眾生彼國者，皆悉住於正定之聚」，原來人有三  
聚，此三聚義，大小乘立論稍分軒輊，俱舍論云：「正邪不定聚，聖道無  
間餘」，依丁福保氏佛學大辭典釋云：「預流向上之聖者為正定聚，造五  
無間業者為邪定聚，在二者中間，修七方便之行者，為不定聚」，是為小  
乘人之說法，若大乘如摩訶衍論，則說：「十聖為正定聚，三賢為不定聚  
，自餘之凡夫為邪定聚」。經中既云：「生彼國者，皆悉住於正定之聚」  
，則是不論大小乘行人，只要一生成辦，便住正定之聚，因彼國無邪定及  
不定聚故也。

#### (五) 判 教

教者教相，判是判別，所以判斷一經之大小權實的教相，使行人知所  
取捨，依教奉行。  
本經部屬大乘方等教攝：按二藏分，歸菩薩藏收；化儀分之二，此屬頓  
教，敷陳如次：  
原來天台智者大師，將如來一代聖教，依其生起次第，分為五時說法

。一華嚴時，喻如從牛出乳，二阿含時，喻從乳出酪，三方等時，即說維  
摩、大集、楞嚴、十六觀、及此經之時，此期說教，彈偏斥小，歎大褒圓  
，使聲聞人等捨小求大，喻如從酪出生酥，四般若時，喻如從生酥出熟酥  
，五法華時，喻如從熟酥出醍醐上味。據此，故知本經屬方等教攝。  
地持云：「佛為聲聞菩薩行出苦道，說修多羅，結集經者，集為二藏  
，以說聲聞所行，為聲聞藏；說菩薩行，為菩薩藏。」真歇了禪師淨土說  
云：「念佛法門，徑路修行，正按大藏，接上上器，傍引中下之機」。今  
此經者，淨宗根本經，正接引上上器之大法，二藏分類，當屬菩薩藏收。  
隨朝慧遠大師本經義疏云：「此經正為凡夫人中厭畏生死，求正定者  
，教令發心，生於淨土，不從大小，故知是頓。」將此一經，判為頓教，  
堪稱千古定論。(科判表略)

### 靈山寺上堂法語

南 亭

十一月三十日

大眾同聚會，個個學無為，無為無起滅，法空及第歸。  
夫無為法者，非無所為，乃無為而無所不為也。李唐時，方山李  
長者通玄，摒棄人世，遁入深山，住土窟中，著華嚴經論，口吐白光  
，以代燈燭，日食唯賴粟與柏葉而已。然感天童為之拾薪汲水，虎狼  
充其侍衛。則其德感萬靈，澤流後世，於茲可見。是即無為而無所不  
為之好榜樣也。  
更深言之，必體無為之體，而後乃能無所不為，雖十力四無畏，  
十八不共，皆在其中矣！此為吾人學佛之共同目標！  
茲有本寺護法弟子李炳南居士，率同願諸人，於傳戒期中，恭詣  
本寺，敬設上堂大齋，供養三寶，及諸大眾。禮請拙納上堂說法。夫  
說法者，無法可說，是名說法。然無說之旨，其義甚深，居士等久修  
佛學，深入堂奧，於此必已渙然。但願在堂大眾，見賢思齊，一一皆  
能貫通，同入無為之境。作佛法之金湯，為眾生之規範。雖然如是，  
即今上堂一句，又如何說？

一切聖賢，皆以無為法而有差別。